



**HAL**  
open science

# Múzika husi siklu rituál husi bee midar iha Ataúru

Dana Rappoport

► **To cite this version:**

Dana Rappoport. Múzika husi siklu rituál husi bee midar iha Ataúru. Lian Rama hana Istória lian no knananuk Ataúro, 2023, 9782709930024. halshs-04354233

**HAL Id: halshs-04354233**

**<https://shs.hal.science/halshs-04354233>**

Submitted on 9 Jan 2024

**HAL** is a multi-disciplinary open access archive for the deposit and dissemination of scientific research documents, whether they are published or not. The documents may come from teaching and research institutions in France or abroad, or from public or private research centers.

L'archive ouverte pluridisciplinaire **HAL**, est destinée au dépôt et à la diffusion de documents scientifiques de niveau recherche, publiés ou non, émanant des établissements d'enseignement et de recherche français ou étrangers, des laboratoires publics ou privés.

ehralam-ehralam. O lo sole, o lo sí'a ma olo sanga modi la ek nia la'a mine? Sirua penge lahresuk-hresuk ratam inoiron. Ma pema kne nau tam pepiak nia reroi nau am'ma ratusana nia ni. Pe ma noi nau, hmei ni perane Pautamu kekngauk la Le-keu re sirua pema sole hea. Pe ma du'a lade sia-sian nei re hmei ek nrei, tasi nrei ma nusa lau pluak ne si lu sí'a lau. O lo nge sí'a memouk. O lo sanga modi ita kua pa hresuk rin, I noi tam ron.

sira, bainhira iha bailoro naruk, susar ba imi atu hetan bee, uza Ratusana ne'e hodi husu no bolu bee husi fatin-fatin atu bee bele mai iha fatin ne'ebé imi hela ba.

### Múzika husi siklu rituál husi bee midar iha Ataúro

Iha illa Ataúro, depois fulan balu husi tempu maran ne'ebé naruk, bee-moos ladún iha. Iha aldeia oin-oin, ema organiza rituál ida atu hetan bee midar (ek, er, eg), husi rai (ek matan Hresuk, eg matan Raklungu) no husi lalehan (uran «rain»). Rituál ne'e hala'o durante semana balu iha fulan-setembru to'o fulan-outubru antes tempu udan hahú. Hodi hetan "favór" ne'e sira kanta knananuk, ho tambór iha fatin sira tuirmai ne'e: iha bee matan husi aldeia, iha rate sira nia família nian no iha fatin husi státua sira. Naran nelu tolan, eventu ne'e hanesan tempu atu kanta siklu naruk husi knananuk souk sosé iha Makili / sour sésé iha Makadade. Rituál ne'e lakon ona dezde tinan 1973 husi parte hotu-hotu husi illa exetu iha Makili.

Rituál bee nian hahú iha suku ida-idak nia bee-matan (Bitau ba grupu Manroni, Er hlerin ba Adadi, Epu ba Humangili). Uma-hun hotu ba hamutuk iha bee-matan atu halo fatin moos, atu troka pipa au tolu no atu husu ba maromak ba bee liu husi knananuk serimoniál lubun ida (er hleri «knananuk bee nian»- hresuk/raklungu). Istória ida husi Makili konta kona-ba oinsá ema halai sai husi bee laran, entaun maromak bee-matan nian, husu ba feto ida naran Katisuk atu mai iha bee-matan nia oin kada tinan atu hananu bainhira kos hena (kngohi) iha bandeja (ho betel) ho tudik spesiál hanaran Ratusana, hodi bolu bee.

Iha Ataúro, uma-hun balun mak protetór ba bee-matan (Ruma Lari, Tua Bere Doe iha Makadade, Hnelak no Mau Tuda iha Makili). Uma-hun sira-ne'e mak sei kanta no baku tambór durante rituál sira. Iha Makili, knaar sira-ne'e fahe ba malu: uma-hun Hnelak baku tambór bainhira uma-hun Mau Tuda kanta. Knananuk serimónia nian ba bee midar sira hanaran souk iha hresuk, sour iha raklungu. Iha faze daruak, uma-hun ida-idak ba iha ninia rate família rasik hodi «bolu sira nia bei'ala sira» (roi sa pohé), kanta knananuk sita, hakoi mate nian. Sira halo oferta (hnaró, Hresuk, rahnia Raklungu), no bolu ema ne'ebé mate ona nia klamar liu husi dere topipi atu mai hasoru ema ne'ebé moris hodi ajuda sira atu buka bee midar.



Hanau no baku tambór iha Bee-matan Epua, Makili, 2022 © Vanlaer

Iha faze terseiru, iha Makili no (uluk) iha Makadade, sira halo prosisaun ida husi bee-matan to'ó fatin husi espírito sira, fatin ida-ne'ebé hanaran tolan hnatin iha Hresuk. Estátua rua ne'ebé la iha liman, (sa'et hresuk, sa'ik raklungu) ne'ebé hateke malu, representa kabena'in. Iha Makili figura mane, Pako Mau, hasoru figura fetu Lepu Hmoro. Protesaun ne'ebé hein husi státua aas sira-ne'e aplika ba uma-hun hotu iha fatin lulik. Estátua ai sira-ne'e la hanesan ho státua kí'ik (itara) ne'ebé ema ida-idak kaer. Iha espírito rua ne'e nia oin, no iha kalan balu, ema kanta knananuk boot ida hodi bolu udan. Siklu ne'e hanaran sosé (Hresuk) no sésé (Raklungu). Iha Makili, iha fatin ne'ebé iha státua sira-ne'e nia laran, uma-hun rua fahe knaar múzika nian: uma-hun Hnuak Le'en, ne'ebé protetór ba státua sira-ne'e, kanta knananuk no tuku tambór boot tihak kora ten no uma-hun Mau Le'ek responsavel ba tambór topipi, tambór kí'ik, lulik tebes, ne'ebé fó dalan atu bolu bei-ala sira. Ninia naran mai husi manu-fuik ida-ne'ebé mosu iha fulan Outubru nia laran, hodi fó sai katak tempu udan nian atu mai.

Iha tempu uluk, faze tolu ne'e habelar ho intervalu durante loraun 40. Kada loraun tolu, tuir knananuk, tambór no dansa sira-nia ritmu, prosisaun la'ó liu fatin tolu ne'e, no parte ikus ne'ebé akontese iha státua nia oin, hodi husu udan no fertilidade. Iha fulan Outubru 2022, iha Makili, hafoin interrupsaun tinan lima-nulu resin, ritúal ne'e hahú fila fali durante períodu loraun tolu nia laran.



Tambór Tihak no státua Sa'et, Makili, 2022 © Bluemilk Studio



Tambór Tihak, Makili, 2022 © Bluemilk Studio